

# Xojon carta-la San Pablo xi kiskiì ítjòn-la jè Timoteo

## Kó tsò Pablo nga síhixat'aà Timoteo

**1** <sup>1</sup>ʼAn, Pablo, tikjiì-lè xojon jè, nga 'an tsibíxáya-na Jesucristo, nga k'oas'ín kitsjaà okixi Nainá xi ochrjekàjiin-ná kjo'in kò Na'è-ná Jesucristo nga titsachiñá-lá kjondaà-la. <sup>2</sup>Ngaji Timoteo, koni tsà ki'ndí ts'an xan-lè nga 'an tsakoòyandaà-lè koni s'ín mokjeíin-ná ít'aà ts'e Cristo. Nainá xi Na'è-ná kò Na'è-ná Jesucristo kàtatsjá-lè kjondaà, kàtahimakeè-lè, kàtas'e-la kjoa'nchán ijiin inima-lè.

## Pablo tsibínè-la Timoteo nga sijkixiya xita xi kj'eíí kjohítsjeèn okóya

<sup>3</sup>Koni s'ín tsibìtsi'ba-lè k'e nga kiaà nangui Macedonia, yaá tijní naxandá Éfeso mé-ne nga kichakjáya-la xita xi mìtsà 'én kixi nchihokóya ijiin naxandá-la Nainá. <sup>4</sup>Ngaji Timoteo, k'oaá s'ín tjínè-la jñà xita koi, kì kii sís'in-la cuento jchínga xi mìtsà kixi kjoa tikoá kì kii sís'in-la kjoa xi mìkii fehèt'aà ts'e xita jchínga kjòtseé. Kjoa koi nimé chjí-la. Tà síkjaán-kjoð-ná. Mì kì osìko-ná nga mokjeíin-ná ít'aà ts'e Cristo mé-ne nga koma sikitasoán koni s'ín mejèn-la Nainá.

<sup>5</sup>Xá xi tibìnè-lè, jè-né nga tsjeè tjína inima-ná, nga tsjeè tijní kjohítsjeèn-ná koa nga nguì ndaà mokjeíin-ná; yaá nchrobát'aà-ne nga sítjòchaà xinguiá. <sup>6</sup>Tanga tjin'ínga xita xi xìn ndiyá tjímaya; tà koií joóya-ne 'én xi nimé chjí-la. <sup>7</sup>Mejèn-la maestro ts'e kjotíxoma-la Nainá kítsajna. Tanga tijnà-ne, skanda mìkii machiya-la 'én xi chja nga 'ñó chja nga tsò nga kixi kjoa.

<sup>8</sup>Tíjìin-ná nga jè kjotíxoma xi kitsjaà Nainá, ndaà t́jín tsà k'oas'ín kochjeén koni s'ín mejèn-là Nainá. <sup>9</sup>Ya-ná, kjotíxoma-là Nainá, mìtsà ts'e jñà xítà xi ndaà s'ín. Ts'e-né jñà xítà xi mìkiì 'nchréñijon koà mìkiì síkitasòn; ts'e-né xítà xi mìkiì beèxkón Nainá koà ótsji jé; ts'e-né xítà xi mì tsjeè t́jín kjohítsjeèn-là xi t́jé beèhikon jè kjoatsjeè-là Nainá; ts'e-né xítà xi sík'en na'èn-là ko nea-là, ko ngats'iì xítà xi xítà sík'en. <sup>10</sup>Tíkoà ts'e-né jñà xítà xi kjoa chijnguií s'ín, jñà xi xítà xa'nda, xítà xi xíkjín fíko chíjé nga otíjna. Tíkoà ts'e-né jñà xítà ndiso ko xítà xi mìtsà 'én kixi chja, jñà xítà xi ch'o t́jín kjoa xi s'ín xi kondra ts'e kjohítsjeèn xi kixi t́jín. <sup>11</sup>Jè kjohítsjeèn kixi, k'oaa t́jín xi okóya jñà 'én jeya-là Nainá xi kjoa ts'e Cristo. Nainá xi 'ñó jeya t́jna, jè kisingatsja-na nga 'an kichjaya 'én koi.

### Mé kjoa-ne nga kitsjaà-là kjondaà Nainá jè Pablo

<sup>12</sup>Tsjaà-là kjondaà Na'èn-ná Jesucristo. Ndaà chí-là nga kitsjaà-na nga'ñó tíkoà ndaà kítseè ikon-na nga 'an kisingatsja-na xá-là, <sup>13</sup>nas'ín k'e nga sa ítjòn, 'ñó ch'o kis'iaàn; kichjàjno-là Nainá; kondra kùtjngui-là; toòn kítseè xítà-là. Tanga kjòhimakeè-na Nainá, nga kj'eè kiì be, koà kj'eè kiì mokjeiín-na it'aà ts'e Cristo. <sup>14</sup>Tanga jè kjotjò-là Na'èn-ná isaa 'ñó tse kitsjaà-na tíkoà kisihiseèn-na nga mokjeiín-na ko kitsjaà-na kjoatjòcha-là nga jè Cristo t́jnakoaa.

<sup>15</sup>Jñà 'én koi, nguì 'én kixi-né. Mochjeén-né nga kòkjeiín yije-là xítà nga jè Jesucristo j'iì i isò'nde nga kochrekajìin kjo'in ngats'iì xítà xi jé t́jín-là. Ngats'iì xítà xi ch'o s'ín, 'aán t́jna ítjoàn nga tsohotsjà jé. <sup>16</sup>Nas'ín 'ñó ch'o kis'iaàn, Nainá kis'e-là kjohimatakòn it'aà ts'an. Jñà xítà, k'e nga skoe kó s'ín kisiko-na Na'èn-ná Jesucristo, nga 'ñó t́jín-là kjoatsetakòn, tíkoaa kòkjeiín-là it'aà ts'e Cristo nga s'e-là kjoabinachon nita mé nachrjein-ne. <sup>17</sup>Nainá, 'nga kàtíjna, kàtas'e-là kjoajeya nita mé nó, nita mé nachrjein-ne nga jè otíxoma nita mé nachrjein-ne koà mìkiì kjoehet'aà nachrjein-là nita kjé-ne, tíkoà mìkiì tsejèn nándá t́jna koà nguì jè tajngodò xi Nainá. K'oas'ín kàtama.

<sup>18</sup>Ngaji Timoteo koni tsà ki'ndí-na xan-lè, s̀ngatsja-lè 'én koi, koni s'ín kitsò xítà xi kisìkjeén Nainá nga kiichja it'aà tsiji, mé-ne nga it'aà ts'e 'én koi, tsjá-lè nga'ñó nga ndaà sixá-là Nainá koni s'ín sixá soldado. <sup>19</sup>Ndaà kàtakjeiín-lè it'aà ts'e

Cristo, tikoá ndaà kàtìjna kjohítsjeèn-lè. Tjín i'nga xita xi mìkii kisis'in kjohítsjeèn xi ndaà tjín. K'oaá komà-ne nga kisikje-la ikon nga mì tì kiì kòkjeín-la. <sup>20</sup>K'oaá s'ín komàt'in jè Himeneo kò Alejandro xi 'an kisikítsajna kò xita neí mé-ne nga kàtakixiya-ne nga mì taxki kichajno-la Nainá.

### Mochjeén-né nga kítsi'batjiá xinguiáá

**2** <sup>1</sup>Jè kjoa xi isa 'nó mochjeén, k'oaá s'ín tibìnè-nò nga titsi'batjiò ngats'iì xita, tinókjoat'aà-là Nainá, titsi'ba-la Nainá, tjii-là kjondaà it'aà ts'e ngats'iì xita xi tjín nga títjsa isò'nde. <sup>2</sup>Mochjeén-né nga kítsi'batjiá xi xitaxá ítjòn títsajna kò ngats'iì xi kjotíxoma tjíya tsja mé-ne nga 'nchán kítsajna-ná tikoá tafi tafi sijchá yijo-ná tikoá jchaxkoán Nainá kò jchaxkoán kjoa xi ndaà tjín. <sup>3</sup>K'e nga k'oas'ín s'eén ndaà tjín koa ndaà sasén-la Nainá xi ochrjekátjì-ná kjo'in. <sup>4</sup>Nainá, jè xi mejèn-la nga ngats'iì xita kitjokàjiiin kjo'in tikoá sijiin-la kós'ín tjín xi kjoakixi. <sup>5</sup>Tà jngoò ma Nainá; tikoáà tà jngoò ma xita xi chjatjì-ná it'aà ts'e Nainá, jè xita xi Jesucristo 'mì. <sup>6</sup>K'e nga kichiya nachrjein-la Nainá, Jesucristo kitsjaà kjotjò yijo-la nga k'en mé-ne nga kojhtjì-ne ngats'iì xita nga ma kitjokàjiiin kjo'in. K'oaá s'ín kis'iìn nga kisijiin yije-la xita. <sup>7</sup>'An kjòngatsja xá jè nga 'an tsibíxáya-na Cristo nga kichjàya 'én ndaà-la tikoá kokòya-la jñà xi mìtsà xita judío nga kòkjeín-la it'aà ts'e Cristo tikoá skoe xi kjoakixi. 'Én kixí xi tixan-lè, mìtsà 'én ndiso.

<sup>8</sup>It'aà ts'e xita x'in, mejèn-na k'e nga chjat'aà-la Nainá nitá nãnda i'nde títsajna, tsjeè kàtasíkítsajna inima-la k'e nga skímìtjen-la tsja Nainá. Kì kjoajti tjiin inima-la, koa kì nchikjaán-kjoò-jèn. <sup>9</sup>Tikoá jñà íchjín, jè nikje xi ndaà ok'in-la kàtakjá. Kì nikje chjí ókjá. Kì taxki s'ínójno skò kò yijo-la tsojmì xi 'nó chjí koni kichá oro kò perla. Chiba chiba kátíndaà yijo-la mé-ne nga mì xita skótsejèn-jno-ne. <sup>10</sup>Tà saá xá xi ndaà tjín kàtas'ín koni s'ín ok'in-la jñà íchjín xi beèxkón Nainá. <sup>11</sup>Jñà íchjín jyò kàtitsajna k'e nga skóta'yá 'én-la Nainá; kàta'nchréñijon-la jè xi okóya. <sup>12</sup>'An, mìkii tsjaà'nde nga jñà íchjín kotíxoma-la xi xita x'in koa kokòya-la. Íchjín, jyò kàtitsajna. <sup>13</sup>Koí kjoa-la jè Nainá ítjòn tsibíndaà Adán, iskan tsibíndaà Eva. <sup>14</sup>Mìtsà jè Adán xi kichonachan-la; jè Eva xi chjoón-la. K'oaá s'ín komà-ne nga kisakò jé-la. <sup>15</sup>Tanga, jñà íchjín, tsà siikitasòn koni s'ín mejèn-la Nainá nga s'e-la ixti,

kítjokàjìín kjo'in. Mochjeén-né nga ndaà kòkjeiín-la it'aà ts'e Cristo, nga s'e-la kjoatjòcha, nga tsjeè kítsajnakò Nainá koa ndaà sìjchá yijo-la.

**Kjoa xi mochjeén ts'e xita xi síkinda naxandá-la Nainá**

**3** <sup>1</sup>Én jè, nguì 'én kixi-né: Tsà tjín jngod xita xi mejèn-la xá nga naxandá-la Nainá sìkinda, 'nó ndaà tjín xá xi mejèn-la. <sup>2</sup>Jè xita xi sìkinda naxandá-la Nainá mochjeén-né nga ndaà s'iin mé-ne nga mì yá xi ch'o kítsò-la. Jngod chjoón s'e-la; jngod xita xi indaà tjín ikon; xita xi ndaà kosòn-la yijo-la; xita xi yaxkón nga ndaà tísíjchá yijo-la; xi ndaà sí's'in-la xita xi bijchókon; xita xi ndaà ma-la okóya; <sup>3</sup>xi mìtsà xita ch'i; xi mìtsà xita kjaán-ko; xi mìtsà ton chijé kjòtsjakeè. Jè xita xi mochjeén xi ndaà xita, xi mìtsà kjoasì sí's'in-la, xi mìtsà ton kájno-la. <sup>4</sup>Mochjeén-né nga ndaà kjoatíxoma-la xita ni'ya-la; ndaà sìkixi ixti-la mé-ne nga s'e-la kjoxkón ixti tikoà sìkítasòn koni s'in tsò xita jchínga-la. <sup>5</sup>Tsà mìkìi ma-la otíxoma-la xita ni'ya-la, ¿kó s'in koma sìkinda xita naxandá-la Cristo? <sup>6</sup>Jè xi síkinda xita naxandá-la Nainá jè xi mochjeén xi kjòtseé kòkjeiín-la, mé-ne nga mì 'nga ikon koma-ne nga mì kjo'in s'e-la koni komàt'in xita neíí. <sup>7</sup>Mochjeén-né nga ndaà sìjchá yijo-la mé-ne nga skoexkón-ne jñà xita xi mìkìi mokjeiín-la it'aà ts'e Cristo nga mì ch'o kíjna, nga mì jè xita neíí sìkijne-la.

**Kjoa xi mochjeén ts'e xita xi sìchját'aà-la naxandá-la Nainá**

<sup>8</sup>K'oaá tís'in tjín ts'e xita xi sìkítasòn xá nga sìchját'aà-la xita naxandá-la Nainá, jñà mochjeén xita xi yaxkón nga ndaà nchisíjchá yijo-la. Mìkìi koma sìkijatjya-la 'én xi chja. Mìkìi koma xán koahijtako. Mìkìi koma ton chijé kòtsjakeè. <sup>9</sup>Mochjeén-né nga ndaà kàtafít'aà-la kjoatj'ima xi jye tsakó Nainá koni s'in mokjeiín-ná it'aà ts'e Cristo. Tikoà mochjeén-né nga tsjeè kàtasíkítsajna kjohítsjeèn-la. <sup>10</sup>Jñà xita xi sìkítasòn xá nga sìchját'aà-la xita naxandá-la Nainá, ítjòn kàtachít'aà tsà nímé kjoa tjín-la, ikjoàn, k'eé kàtasíkítasòn. <sup>11</sup>K'oaá tís'in tjín ts'e íchjín; mochjeén-né nga yaxkón nga ndaà nchisíjchá yijo-la. Mì 'én ndiso kichja. Indaà k'oeè ikon. Ndaà sìkítasòn yije nita mé kjoa-ne. <sup>12</sup>Jè xita xi síkítasòn xá nga síchját'aà-la xita naxandá-la Nainá, mochjeén-né nga tà jngod

chjoón s'e-lá. Ndaà kàtatíxoma-lá ixti-lá kò xita ni'ya-lá. <sup>13</sup> Jñà xita xi ndaà siikitason xá koi, ìsa ndaà jchaxkón koa ìsa 'ñó ndaà s'e ikon koni s'ín mokjeíin-lá it'aà ts'e Cristo Jesús.

### Kjoa'ma-lá Nainá

<sup>14</sup> Mejen-na nga kjíkon niton-lè, tanga tsà koií nachrjein-lá kochrjein-ya-na, k'oaá ma-ne tikjiil-lè xojon jè <sup>15</sup> mé-ne nga jcha-ne kós'ín kitsajnakoaá xita xinguiáá ya ijiin naxandá-lá Cristo xi tíjnakon. Jè naxandá-lá Cristo tíjya tsja 'én kixi-lá Nainá. <sup>16</sup> Nguì 'én kixi-né nga 'ñó jeya jè kjoa'ma-lá Nainá xi jye tsakó koni s'ín yaxkoán Nainá:

Nainá, xitaá komà nga j'iì i isò'nde;  
it'aà ts'e Inima Tsjeè-lá ki'ya-lá nga tjín-lá kjoakixi;  
jñà àkjale kijtseè-né;  
'én-lá kinokjoàyajiiin-lá ngats'iì xi mìtsà xita judío;  
nga tíjtsa isò'nde kòkjeíin-lá xita it'aà ts'e Cristo;  
jeya kitjoétjò-ne ján ngajmiì.

### Xita xi mìtsà 'én kixi kòkòya

**4** <sup>1</sup> Tanga jè Inima Tsjeè-lá Nainá ndaà bénojmíya-ná nga tsò: k'e nga chiba nachrjein chija-ìsa-lá nga kjoíif ijngod k'a Cristo, s'eé xita xi mì tì kiì kòkjeíin-lá it'aà ts'e Cristo. Yaá kjit'aà-lá inima ch'o-lá neií xi konachan koa kjohítsjeèn-lá neií siikitason. <sup>2</sup> Jñà kji'nchré-lá xita ndiso xi jò isén tjín-lá. Xita koi, nga jye kjòtájaàjiin kjohítsjeèn-lá, mì tì kindá fiko-ne kjoach'o xi nchis'ín. <sup>3</sup> Jñà xita koi mìkiì tsjá'nde nga kixan xita. Tíkoáá tjín tsojmì xi ma chine, mìkiì tsjá'nde nga koma chjine. Tanga tsojmì koi, Nainá tsbíndaà nga tjí'nde-lá nga koma skine xita xi mokjeíin-lá kò xi ndaà tíjiin-lá kjoakixi. K'e nga skine tsjá-lá kjondaà Nainá. <sup>4</sup> Ngats'iì tsojmì xi Nainá tsbíndaà, ndaà-né, mìkiì koma kináchrjenguiáá. Koma sikjeén yije tsà k'oi-lá kjondaà Nainá k'e nga sikjeén. <sup>5</sup> Jè 'én-lá Nainá siitsjeè tsojmì k'e nga kinókjoat'aà-lá.

### Jngod ch'i'nda-lá Cristo xi ndaà síxá

<sup>6</sup> Ji, tsà k'oas'ín kòkòya-lá jñà xita xinguiáá kjoa koi, 'ñó ndaà sixát'aà-lá Cristo Jesús. Skason-ìsa kjohítsjeèn-lè it'aà ts'e 'én xi mokjeíin-ná kò kjohítsjeèn xi ndaà tjín xi ndaà tì'mìtjingui-lá.

<sup>7</sup>Tanga kì taxkì nìs'in-la 'én jchínga ts'e isò'nde xi nímé chjí-la xi tà kjohítsjeèn-la xítà. Tìnè-la yijo-lè nga chaxkoín Nainá. <sup>8</sup>Tsà kínè-lá yijo-ná nga k'oi-lá nga'nó, sakó chiba-la kjondaà, tanga tsà kínè-lá iníma-ná nga ndaà jchaxkoán Nainá, isáá sakó-ná kjondaà xi mochjeén-ná nga kjit'aà naxrjein. Sakó-ná kjondaà i it'aà nangui kò nga koma iskan tikoáá sakó-ná ján ngajmì. <sup>9</sup>'Én koi, 'én kixi-né. Mochjeén-né nga kàtakjeín yije-la xítà. <sup>10</sup>Koií k'oas'ín bìnè-lá xá yijo-ná, tikoá nìkjiaán kjo'in nga jè titsachiñá-lá Nainá xi tíjnakon xi ma-la ochrjekàjiin kjo'in ngats'iì xítà. Jñà-né xi kitjokàjiin kjo'in xi mokjeín-la it'aà ts'e Cristo.

<sup>11</sup>K'oaá s'ín tatixoma-la jñà xítà, k'oa tì s'ín takóya-la 'én koi. <sup>12</sup>Kì yá xi ochrjekàngui-lè nas'ín nguì sa ixti-isi. Yà jjiin-la xítà xi mokjeín-la it'aà ts'e Cristo, jì, ndaà t'in ítjoìn mé-ne skíngui-ne kós'ín nokjoi, kós'ín 'nì, kós'ín tjòcha 'yi Nainá kò xítà, [kós'ín ndaà tíjna iníma-lè], kós'ín mokjeín-lè it'aà ts'e Nainá, kós'ín tsjeè tìnìjchí yijo-lè nga nguixkon Nainá. <sup>13</sup>Skanda k'e nga kìjchokon-lè, k'oaá s'ín t'iin: tìxkejiin-la xítà 'én-la Nainá; tìnè-la nga 'nó kàt'ee-la ikon; tikoá takóya-la. <sup>14</sup>Kì nìjchàajiin-jèn nga sixát'aà-la Nainá it'aà ts'e kjo'tjò xi kitjoé-lè k'e nga jñà xítà jchínga-la naxandá-la Nainá tsohósòn-lè tsja nga jñà kiichja ngajo-la Nainá it'aà tsiji.

<sup>15</sup>It'aà ts'e kjoa koi, kjit'aà naxrjein tiyakoji, tikoá tixákoji mé-ne nga skoe yije-ne xítà nga ndaà tímajchíngakoji. <sup>16</sup>Ndaà tikindji yijo-lè mé xi 'nì. Tikoá t'iin kindá jè 'én xi okodya-la xítà. Kixi tjini. Tsà k'oas'ín sikitasoìn, ngaji, kitjokàjiin kjo'in; tikoáá kitjokàjiin kjo'in jñà xítà xi 'nchré-lè.

### Kjondaà xi mochjeén it'aà ts'e xítà xi kje'ei

**5** <sup>1</sup>Jñà xítà xi jye 'nó jchínga, kì taxkì nìkaká-la; k'oaá s'ín tènójmíya-la koni tsà na'è-n-lè ma; tikoá jñà xi isa ixti-isa, k'oaá s'ín tènójmíya-la koni tsà 'ndsi ma. <sup>2</sup>Jñà íchjín xi jye 'nó jchínga, k'oaá s'ín tènójmíya-la koni tsà nea-lè ma. Jñà xi íchjín ixti k'oaá s'ín tènójmíya-la koni tsà tichji ma nga nguì tsjeè tíjna kjohítsjeèn-lè.

<sup>3</sup>Tisikò jñà íchjín xi jye k'en x'in-la tsà kixi kjoa nga tsjìn xi osìko. <sup>4</sup>Tsà tjín íchjín ka'àn xi tjín-la ixti, kò tsà tjín-la ixti 'ndeí, ixti koi, ítjòn kàtasíkitasòn ya ni'ya-la kós'ín beèxkón Nainá. Kàtasikò xítà xíkjín, mé-ne nga tsjá ngajo-la kjoatjòcha

ts'e xit̃a jchínga-la. Kjoa koi, ndaà t̃jín. K'oaá s'ín sasén-la Nainá. <sup>5</sup>Jè chjoón ka'àn xi kixi kjoa nga t̃jina tajngod̃, Nainá 'ñót'aà-takòn kò nachrjein kò nit̃jen bítsi'ba nga chjat'aà-la Nainá. <sup>6</sup>Tanga jè chjoón ka'àn xi kjotsja ts'e isò'nde xi ch'o t̃jín tsjá-la yijo-la, it'aà ts'e Nainá t̃jnak'en-né nas'ín t̃jnakon. <sup>7</sup>K'oaá s'ín tatixoma-la kjoa koi mé-ne nga ndaà siijchá-ne yijo-la nga mì yá xi ch'o kitso-la. <sup>8</sup>Tsà yá xi mìkiì siikinda xit̃a xíkjín nga siichját'aà-la, mats'iãkò ítjòn-ne xi ya t̃tsajna kò ni'ya-la, tsà mì k'oaá s'ín kosiko xíkjín, mìkiì nchisíkitasòn 'én xi mokjeiín-la it'aà ts'e Cristo. Isãa ch'o nchisíkítasajna yijo-la mì k'oaá-ne koni j̃nà xit̃a xi mìkiì mokjeiín-la 'én-la Nainá.

<sup>9</sup>Íchjín ka'àn xi s̃it'aà xojon nga kochját'aà-la, tà j̃nà-né xi tsato jàn kaàn nó t̃jín-la xi kixi tsibítasajna kò x'in-la, <sup>10</sup>j̃nà xi 'ya-la nga ndaà kisijchá yijo-la ts'e xá xi ndaà t̃jín: tsà ndaà kisijchá ixti-la, tsà ndaà kisis'in-la xit̃a xi ijchòkon ni'ya-la, tsà tsanijno ndsoko xit̃a-la Cristo nga ndaà kisis'in-la, tsà kisichját'aà-la xit̃a xi kjoa t̃tsajin. Tsà k'oas'ín kisikitasòn yije xá xi ndaà t̃jín, koma s̃it'aà xojon.

<sup>11</sup>Tanga j̃nà íchjín ka'àn xi sa ixti isãa mìkiì koma xojon s̃it'aà. K'e nga x'in kjoajin-la, mìtsà 'iín koma-la nga k̃inchat'aaxìn-la Cristo nga k̃ixan ijngod̃ k'a-ne. <sup>12</sup>Tsà k'oas'ín s'iin, kjo'iin s'e-la nga mìkiì nchisíkitasòn koni s'ín kitsjaà tso'ba nga sa ítjòn. <sup>13</sup>Íchjín koi, t̃ikoaá mangaá-la nga xk̃i xi ján ni'ya binchimajto. Ma ts'eè-né. Mìtsà tà ma ts'eè. T̃ikoaá 'én ndiso bíxkó. Chjajin chja'a ñánda mì j̃nà oko-la. <sup>14</sup>'An, k'oaá s'ín mejèn-na nga k̃atixan ijngod̃ k'a-ne j̃nà íchjín ka'àn xi sa ixti isãa. K̃atas'e-la ixti. Ndaà k̃atatixoma ni'ya-la mé-ne nga mì ch'o k̃ichjajno-ná xi kondra. <sup>15</sup>Tjín i'nga íchjín ka'àn xi jye tsohófaya-ne, jè kiit'aà ijngod̃ k'a-la xit̃a neíí.

<sup>16</sup>Tsà jngod̃ xit̃a xi mokjeiín-la 'én-la Nainá tsà t̃jín xíkjín xi chjoón ka'àn, mochjeén-né nga k̃atasíchját'aà-la xíkjín mé-ne nga mì jè naxandá-la Cristo 'ñó skanè-ne xá. Jè naxandá-la Cristo komaá kosiko xi kixi kjoa nga nguì ndí chjoón ka'àn ima.

<sup>17</sup>J̃nà xit̃a jchínga xi ndaà otixoma ya naxandá-la Nainá, ok'ín-la nga isãa ndaà jchaxkón koa kochját'aà-la xi mochjeén-la, mats'iãkò-ne j̃nà xi chjaya koa okóya 'én-la Nainá. <sup>18</sup>Xojon-la Nainá, k'oaá s'ín t̃ichja nga tsò: “Jè nchraja

xi síxá, kì nà'ya bì'a tso'ba.” Tíkooá tjí't'aà xi tsò: “Jè xítà xi síxá, mochjeén-né nga kàtachjí-là.”

<sup>19</sup>Kì kii nìs'in-là tsà yá xi óngui xítà jchínga xi otíxoma ts'e naxandá-là Nainá tsà mì jò jàn ma-ne xítà xi kijtseè-ne xkõn kjoa xi komà.

<sup>20</sup>Tanga jñà xítà jchínga xi ótsji jé-ìsa, tikaká-là nga nguixkõn ngats'iì xítà naxandá-là Nainá, mé-ne jñà xítà xi i'nga k'oaá s'in sincháxkón-ne.

<sup>21</sup>Tìbìnè-lè nga nguixkõn Nainá kò Nà'èn-ná Jesucristo kò àkjale-là xi xó jè jaàjiin-ne, ndaà tikitasòin kjoa koi. Nímé kjoa xi bìndaàjiin k'e nga kj'eè kii 'ya-là tsà kixi kjoa. Kì chjaàjiin xítà xi nìs'in-là; ngàsòn tìs'in yije-là. <sup>22</sup>Kì yá xítà xi taxki chjaàjiin nga kjósòn-là ndseii k'e nga k'oi-là xá jiin naxandá-là Nainá. Ítjòn ndaà tikítsjiin mé-ne nga mì jì kòkòt'aà-lè jé-là xítà xi kj'eí. Tsjeè tjini.

<sup>23</sup>Nga ch'in tjín kjit'aà-là indso'boi, kì tà nandá 'yoi, tíkooá t'i chibi nandá vino.

<sup>24</sup>Tjín i'nga xítà xi tik'e 'ya-là jé-là k'e nga tikj'eè sindaàjiin. Tanga tíkooá tjín i'nga xi iskan 'ya-là. <sup>25</sup>K'oa tìs'in tjín xá xi ndaà tjín, tjín xi nìton beè xítà. Tíkooá tjín xá ndaà xi mì nìton 'ya-là tanga mikii koma jngòd k'a sijna'ma. Iskan jcha-là.

**6** <sup>1</sup>Ngats'iì xítà naxandá-là Nainá xi ch'i'nda títsajna'nó, ndaà kàteèxkón nei-là mé-ne nga mì yá xi ch'o kichjajno-là Nainá kò 'én xi okòyaá it'aà ts'e Cristo. <sup>2</sup>Jñà xítà ch'i'nda xi mokjeiín-là nei-là it'aà ts'e Cristo, mochjeén-né nga ngàsòn ndaà kàteèxkón nei-là nga 'ndseé joó it'aà ts'e Cristo. Ísáá ndaà kàtasíxá-là nga ngàsòn mokjeiín-là 'én-là Nainá tíkooá tsjakeè xíkjín.

Jñà 'én koi, takóyi tíkooá tinókjoayi.

### Kjoa xi sakó-ná k'e nga tòn matsjachaá

<sup>3</sup>Tsà tjín xítà xi kj'eí tsò 'én xi okóya nga mì tjíngòd ikon koni tsò 'én ndaà-là Nà'èn-ná Jesucristo tíkooá mikii tjíngòd ikon it'aà ts'e kjotíxoma koni s'in yaxkoán Nainá. <sup>4</sup>Xítà koi, xítà 'nga takòn-né, nímé machiya-là. 'Nó tsjakeè nga ótiya-ne 'én xi nímé chjí-là. Yáá nchrobát'aà-ne nga maxítakòn-chaá xinguiáá, nga bixkán-kjoaá, nga nokjoàjno-lá xinguiáá 'én xi ch'o tsò, tíkooá ch'o nìkítsjeèn it'aà ts'e xítà xi kj'eí. <sup>5</sup>Tíkooá yáá nchrobát'aà-ne nga kjit'aà nachrjein nchikjaán-kjoò jñà



xit̃a xi mì kixi s̃íkjeén kjohítsjeèn-l̃a k̃o mì kjoakixi fit'aà-l̃a. K'oaá s'ín s̃íkítsjeèn, tsò-né: tsà ndaà jchaxkoán Nainá, yaá sakó-ná t̃on. Ngaji, k̃i k'oaá t̃jín kjoa xi nikítsj̃iìn. <sup>6</sup>Kixií kjoa, tseé kjondaà sakó-l̃a xit̃a k'e nga beèxkón Nainá tsà t̃jkoá tsja t̃jín-l̃a inima-l̃a mé xi t̃jín-l̃a. <sup>7</sup>Nga nimé xi kich'á k'e nga kits'iaán i isò'nde. T̃ikoaá nimé xi kjikoaá k'e nga kiyá. <sup>8</sup>Tsà t̃jín-ná tsojm̃i xi chineé koa t̃jín-ná nikje xi chíkjá, mochjeén-né nga tsjaá k̃jngod̃-lá takoán. <sup>9</sup>Tanga j̃nà xit̃a xi mejèn-l̃a kjoanchiná, nga mìkiì chíkjoako-l̃a kjohítsjeèn xi ch'o t̃jín nga k̃jìn tsojm̃i mejèn-l̃a, yaá k̃ixongui ch'an koa yaá singui'nó. 'Nó mejèn-l̃a kjoa xi nimé ch̃j-l̃a koa xi ch'o síko-ná, kjoa xi síkíts'ón xit̃a koa yaá ch̃jaj̃iìn. <sup>10</sup>K'e nga ton matsjachaá, yaá mats'ia-ne kjoa ts'e jé k̃o ngats'iì kjoa xi ch'o t̃jín. T̃jín i'nga xit̃a xi jye chinchat'aàxìn-l̃a kjoa xi mokjeiín-ná it'aà ts'e Cristo jè ngat̃j-l̃a nga tse t̃on mejèn-l̃a. K'oaá s'ín ma-ne nga t̃j̃nà-ne tse kjo'in tsjá-l̃a yijo-l̃a.

### Tinè-l̃a yijo-lè kjoa xi mokjeiín-lè

<sup>11</sup>Tanga ngaji xi xit̃a-l̃a Nainá 'm̃i-lè, tsit̃'aàxìn-l̃a ngats'iì kjoa koi. Jè t'in t̃j̃ngui-l̃a xi kjoakixi. Jchaxkoín Nainá. Ndaà kàtakjeiín-lè it'aà ts'e Cristo. Kàtas'e-lè kjoat̃jòcha. Kàtas'e-lè kjoat̃setakòn. Indaà kjoa t̃j̃k̃j̃ni inima-lè. <sup>12</sup>Ndaà t̃ixkàt̃j̃i kjoa xi mokjeiín-ná it'aà ts'e Cristo. K̃i nik̃j̃na-jèn ndiyá kixi ts'e kjoabinachon xi mìkiì fehet'aà ñit̃a kjé-ne. Nga koií xá kiichja-lè Nainá. Ngaji jyeé k'oas'ín ndaà kits'iì ndsoboì nga kinikixiyi 'én xi mokjeiín-lè it'aà ts'e Cristo nga nguixk̃on xit̃a xi k̃jìn ma-ne nga kii'nchré. <sup>13</sup>I'ndeì jngod̃ xá t̃ibìnè-lè nga nguixk̃on Nainá xi s̃íkítsajnakon yije ñit̃a mé xi t̃jín, t̃jkoá nguixk̃on Jesucristo xi ndaà kitsjaá tso'ba nga kisikixiya 'én ndaà-l̃a k'e nga kiichja nga nguixk̃on Poncio Pilato. <sup>14</sup>K'oaá s'ín t̃ihot̃ixoma-lè, ndaà t̃j̃kitasòin kjot̃ixoma koi; k̃i nik̃j̃at̃j̃ya-l̃a mé-ne nga mì yá xi kochrjengui-lè skanda k'e nga kjoíí ĩjngod̃ k'a Na'èn-ná Jesucristo. <sup>15</sup>K'e nga kijchòya ñachrjein, Nainá, k'oaá s'ín s̃ĩkitasòn yije kjoa koi. Mé tà ndaà-la Nainá nga jè t̃ajngod̃ t̃ihot̃ixoma. Jè t̃j̃na ít̃jòn-l̃a j̃nà xi xit̃axá ít̃jòn t̃itsajna t̃jkoá t̃j̃na ít̃jòn-l̃a j̃nà xi xit̃a sko-l̃a t̃itsajna. <sup>16</sup>T̃ajngod̃ Nainá xi xó k'oas'ín t̃j̃na-ne nga mìkiì biyaá. Yaá t̃j̃naj̃iìn kjoahiseèn ñánda mì yá xi koma kijchò kinchat'aà-l̃a. Ñi saá jngod̃ xit̃a beèxkon ñi mìkiì t̃j̃'nde-l̃a nga

skoexkon. Nainá, kjit'aà nàchrjein jeya kàtìjna. Kàtayaxkón kjotìxoma-là nità kjé-ne. K'oas'ín kàtama.

<sup>17</sup>Jñà xità nchiná xi t́jín i isò'nde, k'oaá s'ín tìnè-là: “Kì bí'nga-là ikon.” Kì koií ma'ñót'aà ikon kjoanchiná xi t́jín-là nga tà nìton fehet'aà. Jè kàtama'ñót'aà ikon Nainá xi t́jnakon nga jè tsjá yije-ná xi mochjeén-ná skanda síkatonè-là mé-ne nga kò kjotsja síkjeén tsojmì xi tsjá-ná. <sup>18</sup>Koatìn-là, kjondaà kàtas'ín. Kàtas'e-là kjoanchiná nguixkon Nainá it'aà ts'e kjondaà xi s'ín. Kì kjoaxkon fikjaá, kò inima-là kàtatsjá itsé-là xíkjín mé xi t́jín-là. <sup>19</sup>Tsà k'oas'ín síkitasòn nàchrjein i'ndeí, s'eé-là kjoanchiná xi mìkiì kjoehet'aà k'e nga jye títsajna nguixkon Nainá. Tíkooá tjoé-là kjondaà xi nguì ts'e kjoabinachon.

### 'Én xi fehet'aà-ne

<sup>20</sup>Ngaji Timoteo, ndaà tikitasoìn 'én ndaà-là Nainá xi jì kjòngatsjei. Kì kiì na'yà-là 'én ndiso xi nímé chjí-là. Kì kiì nìs'in-là kjoa xi chitiya-ná ts'e kjoachjine ndiso. <sup>21</sup>Tjín i'nga xità xi k'oa t́jín kjohítsjeèn fitjìngui-là. K'oaá ma-ne nga chinchat'aàxìn-là kjoa xi mokjeiín-ná it'aà ts'e Cristo.

Jè kàtijnako-lè kjondaà-là Nainá.